

DIRA

— YA —

KUJIAJIRI

- Maana ya kujiajiri na faida zake**
- Vikwazo vya kutojiajiri na namna ya kuvikabili**
- Misingi ya kuzingatia katika kujiajiri**
- Changamoto baada ya kujiajiri na utatuzi wake**
- Miradi ambayo mtu anaweza kujiajiri**



Hamza Juskas

KUHUSU MWANDISHI

Kitabu hiki kimeandikwa na **Hamza S. Juskas**, ambaye ni mwalimu na mtaalamu wa sayansi ya viumbe hai (biology), kilimo na ufugaji (agriculture), mwandishi na mjasiriamali.

Simu: 0789589534

WhatsApp: 0622202879

Baruapepe: juskas08@gmail.com

Hakimiliki©Hamza Juskas

Haki zote zimehifadhiwa, hairuhusiwi kupiga chapa, kukodisha, kunakili, kutafsiri katika lugha nyingine au matumizi ya namna yoyote bila idhini ya mwandishi.

Toleo la kwanza Julai 2021

Mwl. Juskas

UTANGULIZI

“**DIRA YA KUJIAJIRI**” ni kitabu nilichoandika kwa lengo la kutoa mwongozo mwepesi utakaomwezesha kila mwenye nia ya kujiajiri akiwemo mjasiriamali, mhitimu au hata mwajiriwa ili ajiiajiri katika shughuli yoyote anayoipenda ili aweze kujiingizia kipato na kujiimarisha Kiuchumi.

Wahitimu wengi wanashindwa kujiajiri kwa kukosa mwongozo mzuri utakaowawezesha kujiajiri na wanabaki hawana ajira kwa kuwa miaka ya hivi karibuni kumekuwa na changamoto ya ajira rasmi serikalini na hata mashirika binafsi kutokana na kuwa na wasomi wengi wa ngazi mbalimbali za elimu.

Kupitia kitabu hiki **wajasiriamali** watapata maarifa na mwongozo ili waweze kujiajiri katika Miradi au Maeneo mbalimbali wanayoyapenda na kujiingizia kipato hatimaye kujiimarisha kiuchumi.

Waajiriwa wakisoma kitabu hiki watapata mwongozo wa namna kujiajiri katika kazi ya ziada wanazozipenda ili waweze kujiingizia kipato na waweze kukidhi mahitaji yao na hata kufikia kuweka akiba. Waajiriwa wengi wamekuwa wakiishi kwa kutegemea mshahara ambao mara nyingi hakuna akiba baada ya matumizi ya mshahara, hivyo wamekuwa wakiishi maisha ya kujirudia rudia na wakijipa matumaini kwa kusema "nakula, naishi na kulala" basi inatosha, jambo ambalo linawafanya wasipige hatua ya kimaendeleo miaka mingi, wengine huishi kwa mikopo.

YALIYOMO

KUHUSU MWANDISHI	1
SEHEMU YA 1	4
MAANA AJIRA NA KUJIAJIRI.....	4
Ajira ni nini?	4
Kujiajiri ni nini?	9
SEHEMU YA 2.....	11
FAIDA ZA KUJIAJIRI	11
SEHEMU YA 3.....	15
VIKWAZO VINAVYOWAFANYA WATU WASIJAJIRI	15
SEHEMU YA 4.....	29
MISINGI YA KUZINGATIA KATIKA KUENZISHA BIASHARA.....	29
SEHEMU YA 5.....	31
CHANGAMOTO BAADA YA KUJIAJIRI	31
SEHEMU YA 6.....	36
MIRADI AMBAYO MTU ANAWEZA KUJIAJIRI	36
Miradi 100 unayoweza kujiajiri	48

SEHEMU YA 1

MAANA AJIRA NA KUJIAJIRI

Ajira ni nini?

Ni mkataba maalumu ambao hufungwa baina ya mwajiri na mwajiriwa kwa malipo ya kipindi walichokubaliana. Kitu kikubwa kilichopo katika ajira ni kwamba mwajiri ananunua muda na maarifa ya mwajiriwa kwa makubaliano ya kumlipa mwajiriwa ujira kila baada ya muda fulani na mara nyingi mwezi ndio hutumika.

Kiasi cha malipo anayoyapata mwajiriwa kutoka kwa mwajiri wake kila mwisho wa mwezi au muda fulani waliokubaliana huitwa mshahara. Ujira huo unaweza kuwa kitu chochote cha thamani lakini mara nyingi pesa ndio inayotumika kama ujira.

Mwajiriwa anakuwa tayari kufanya kazi katika kampuni, ofisi, taasisi au shirika fulani kwa sababu anajua mwisho wa mwezi atapata mshahara